

1

Maia-Tog!

Di Luft dia it sou lind un kloar
un alles grüat un blüaht.

Voll Jub'l singt a Vouglpoar
as schönsta Liabesliad.

Dr Mee dar walzt si leis un sacht
un spieg'lt oalla Far'm.

Dia Frühjoarschfrät, dia Lenzapracht,
dia mecht ean wouhl un warm.

Zogoar di oalt Wied'n an Boch
hat frisch si rausstaffiert
un stäht in goldi'n Sunnatoog
mit zartn Grúa garniert.

An Steehaufn a Eidechsla
wärmt si in Sunnaschei.

Wos kanns denn wärkli Schöanners ga,
wi sou an Toog in Mai.

As summt un sorrt scho üweroll,
des Fliech- un Krabblzeuch
un näscht si an dr Blüatn voll
gor emsi, soog i Euch.

Un - weil i ägatli jo aa
zo dara Krabbler g'höar,
drümm näscht i aa a bißerla!

Bloß zuaguck - sall it schwär!